

Na osnovu člana 29. stav 1. tačka 2. Zakona o lokalnoj samoupravi prečišćeni tekst ("Sl.novine Kantona Sarajevo", br.22/00) i člana 55. stav 1. tačka 2. Statuta Općine Ilijaš-prečišćeni tekst ("Sl.novine Kantona Sarajevo", br.20/09), Općinsko vijeće Ilijaš na sjednici održanoj dana 29.12.2009.godine, donijelo je

ODLUKU

o priznanjima općine Ilijaš

Član 1.

Ovom odlukom utvrđuju se priznanja općine Ilijaš, koja se dodjeljuju svake godine na dan općine, broj priznanja i kome se mogu dodijeliti, učesnici u predlaganju i nosilac aktivnosti.

Priznanja se dodjeljuju za izuzetne rezultate postignute u svim oblastima privrednih, društvenih i opće korisnih djelatnosti, a naročito u prethodnoj godini za koju se dodjeljuju.

Član 2.

Kao najviše priznanje ovom odlukom se utvrđuje Plaketa općine Ilijaš u obliku pozlaćenog grba općine.

Plakete se dodjeljuju kolektivima i fizičkim licima i to:

- 1 plaketa kolektivu
- 2 plakete fizičkim licima uz novčani iznos od jedne prosječne plaće u Federaciji Bosne i Hercegovine po posljednjem objavljenom podatku Federalnog zavoda za statistiku.

Plakete se mogu dodijeliti kolektivima i fizičkim licima samo jedanput.

Član 3.

Priznanja se dodjeljuju fizičkim licima, privrednim društvima, javnim preduzećima, njihovim poslovnim jedinicama, ustanovama, udruženjima, fondacijama, samostalnim obrtnicima i drugim organizacijama i zajednicama na području općine Ilijaš.

Izuzetno od odredbe iz stava 1.ovog člana priznanja se mogu dodijeliti pojedincima i kolektivu koji nemaju prebivalište, odnosno sjedište na području općine Ilijaš u skladu sa kriterijima i mjerilima koji se utvrđuju pravilnikom.

Član 4.

Općinska priznanja mogu se dodjeljivati i posthumno, za slučaj da smrt nastupi u godini za koju se dodjeljuju ili u toku postupka dodjele priznanja.

Član 5.

Pravo predlaganja imaju: privredna društva, političke stranke, mjesne zajednice, udruženja, kulturne, obrazovne i druge ustanove koje imaju sjedište na području općine Ilijaš, te pojedinci koji imaju prebivalište na području općine Ilijaš.

Član 6.

Komisija upućuje poziv subjektima iz člana 5. ove odluke za podnošenje prijedloga sa obrazloženjem najkasnije dva mjeseca prije roka određenog za dodjeljivanje.

U pozivu se utvrđuje rok za podnošenje prijedloga koji ne može biti kraći od 15. dana.

Član 7.

Komisija na osnovu prispjelih prijedloga za dodjelu priznanja, u skladu sa kriterijima i mjerilima utvrđuje prijedlog odluke koju donosi Općinsko vijeće.

Član 8.

Odluka o dodjeli priznanja donosi se u redovnoj proceduri, a sadrži osnovne podatke o predloženim kandidatima.

Član 9.

Danom stupanja na snagu ove odluke prestaje da važi Odluka o utvrđivanju priznanja općine Ilijaš («Sl.novine Kantona Sarajevo», broj:39/05).

Član 10.

Ova odluka stupa na snagu danom objavljivanja u “Službenim novinama Kantona Sarajevo”, a primjenjivat će se od 01.01.2010.godine.

Broj:01/1-02-1541-7 /09.

Ilijaš, 29.12.2009.godine

Predsjedavajući
Općinskog vijeća
Petar Ilić

OBRAZLOŽENJE

Pravni osnov za donošenje ove odluke sadržan je u članu 29. stav 1. tačka 2. Zakona o lokalnoj samoupravi prečišćeni tekst ("Sl.novine Kantona Sarajevo", br.22/00) i članu 55. stav 1. tačka 2. Statuta općine Ilijaš ("Sl.novine Kantona Sarajevo", br.7/98 i 9/01, 17/04 i 14/08).

Razlozi za donošenje ove odluke sadržani su u usklađivanju pravnog osnova sa propisima koji su osnov za donošenje iste.

U tekstu odluke izvršena su poboljšanja u smislu preciziranja učesnika u predlaganju i nosioca aktivnosti, te načina na koji se vrši podnošenje prijedloga za dodjelu priznanja. Obzirom da se vrše i temeljite izmjene Pravilnika o kriterijima i mjerilima za dodjelu priznanja Općine Ilijaš, Komisija za spomen obilježja i priznanja ocjenila je da je neophodno izvršiti i odgovarajuće izmjene u Odluci o utvrđivanju priznanja Općine Ilijaš.